

22. septembari 2024

UKA2024/12

## **Unnuinermut akitsuut pillugu Inatsisartut inatsisissaattut siunnersuut**

(Aningaasaqarnermut Akileraartarnermullu Naalakkersuisoq)

Siullermik Siumumiik Naalakkersuisut qutsavingerusuppagut unnuinermut akitsuut pillugu inatsisissamik siunnersuutaannut.

Siumumiik pingaartipparput takornariaqarnerup ineriartortittuarnissaa, pingaartumillu inuiaqatigiinnut tulluarsarlugu piareersartuarnissarput.

Inatsisissatut siunnersuut siumumiik pisariaqartutut isingaarpur, minnerunngittumillu kommuneni ineriartortitsinissamut siunertaa pitsaasutut isingalugu. Kommunimmi takornariaqarnikkut periarfissat nutaat takkussuuttillugit aamma atortorissaarutikkut ineriartortitsinnaanerat inatsimmi periarfissiisoq isumaqatingaarput.

Siumumiik tungaviatigut inatsisissaq taparserumavarput, kisiannili tingussaasunik tallimanik allanguutaasinnaasunik siunnersuuteqarumalluta:

### **1. Ingerlatitsinerup nalunaarsortarnera digitalimik ingerlanneqassasoq**

Siumumiik innersuutingaarput atuisut pingaartillugit, inatsimillu unioqquitsinnginnissaq qulakkeerumallugu. Allaffissornikkut ajornanngillissaaneq siunertaralugu digitalimik nalunaarsuiffissamik pitsaasumik pilersitsisoqarnissaa.

### **2. Ukiup immikkoortuini suliaasaqarfinni suliaqartunut piffissaliussat nalimmassarsinnaasut**

Ukiup ingerlanerani immikkuullarissumik suliffeqarfiusunut soorlu Trophy Hunting Greenlandimut periarfissaqartariaqarpoq. Piffissami ulapaarfiusumi nalunaarsuinerumut piumasaqaatit Naalakkersuisut eqqumaffigisariaqarpaat, inatsisunik atuutsittinermik ammaffigissallugit.

### **3. Unnuisarfii akikitsut pillugit, akitsuut akittoriartortoq**

Unnuisarfiiup akia apeqquataatinagu akilersuineq tulluarsorinngilarput. Unnuisarfinnummi akikitsunut sunniutaa annertunerussangami %- inngorlugu. Taamaattumik siunnersuutingaarput akitsuut ataasiunani, unnuiffiup akia naapertorlugu aqqissuunneqarsinnaanissaa. Taamaassilluni unnamilleqatigiinneq pitsaanerusoq eqqunneqarsinnaassaaq.

### **4. Kommunit aningaasat isertitat sumut atorneqarnerannut ersarissumik uppernarsaateqassapput**



Akitsuutinut aningaasat qanoq atorneqartartut erseqqissumik takuneqarsinnaatillugit kommuninut piunasaqaateqassasoq siunnersuutigaarput. Aningaasat aalajangersimasumik takuneqarsinnaallutillu naleqqussagaassapput, tamakkiisumik takuneqarsinnaatillugit suliffeqarfinnut innuttaasunullu tamanut nalunaarutigineqartassallutik.

#### **5. Nunami, nunaqarfinni atortorissaarutit pitsaanerussapput**

Siumumiik neriuutingaarput aningaasat kommune- ni atortorissaarutikkut ineriartortitsinermi aammalu nunatta eqqiluitsuunissaanut siunertanut atorneqartarumaartut. Toqqaannaq piunasaqaatit ilanngutissanngilarput, kisiannili inatsisit nassuiaataana kaammattuutitut ikkunneqarnissaa neriuutingaarput.

Siumumiik taamatut oqaaseqarluta Aningaasanut Akileraartarnermullu ataatsimiisitaliamut suliassanngorlugu ingerlateqqippaarput.

Qujanaq.

Kuno Fencker, Siumut